

## JOHANE III

### *Mumušâwe â bubian dâŋ*

<sup>1</sup> No ŋicraŋqazi âgo-nane Gaio gore papia ši qâreŋkekopac. No gore jâmbomac enarekac.

<sup>2</sup> Âgo-nane, maŋge mitio sâcne foekac, iŋuc jaha sahackopec huc šâic tâmiric sâcne juhâmocmurâ enarekac.

<sup>3</sup> Go dâŋ fâri qizecne sâcne bajuhuc reŋkeekomec, irec âgo gâcne jaŋe ware dâŋ binaŋ epie manarâ bunane boc bianaŋkekac.

<sup>4</sup> Naru motecfâc-nane jaŋe dâŋ fâri qizecnere hata âteŋgopieŋ, dâŋ i manarâ bubian fecicne jâmbâŋ manaekopac.

### *Miti kiŋaŋŋic ehâmo-jarewec*

<sup>5</sup> Âgo-nane, go ŋic âgo ehâmo-jareekomec, erâ bembekonec sawa mâcne, šorickonec mâmâc ejareekic, i sâcnea eekic.

<sup>6</sup> Ŋic jaŋe šira kikefuŋte maio jaun gere mu warec embiŋ. Ŋic fâpie go Anutu šâŋe biŋeticnere erâ hone jauŋ ejarerâ râec-jopatec rapie bianaŋkeocmu.

<sup>7</sup> Jaŋe šâŋe-ticnere erâ miti kiŋaŋ rahuc mâreŋjenjic beherâ qâpuc jaŋeraonec moneŋ mafa mi roeŋgopieŋte ehâmo-jarezo hâcne.

<sup>8</sup> Ŋic iŋucne âgo ejarehuc bafic-jopapene dâŋ fâri qizecne haŋ baocce munârekicne hâcne.

### *Diotrefe e ŋic qaisoc-jopawec*

<sup>9</sup> No kikefuŋ dâŋ wirec-jeŋic qâreŋkepo. Eme Diotrefe e micne-jeŋic juocte muekaczi dâŋnâŋec qikiŋneekac.

<sup>10</sup> Irec no fârâ juju bapa-ticnere fuŋne bataniŋkepemu. E nâŋere burec ehuc boc musâqorec-nâpoekac. Erâ i sawa mâcne, ŋic fâpie e jahac hezu hewâneŋ mi ejarehame gâcnezi ejarepie qatara-jarerâ kikefuŋ sahacnao râec-jopaekac.

### *Demetrio ere manapie sâcke-fârewec*

<sup>11</sup> Âgo-nane go ŋic jaŋe wiac sâqocne epie mi bâjâpec-jopazemec, wiac bianŋe epie ine bâjâpec-jopazemec. Moc e wiac bianŋe ehuc juocmu ere muzo, e Anuturaonec fuakicne. Moc e sâqocne ehuc juocmu, e Anutu mi šâŋitawec muzo.

<sup>12</sup> Demetrio ere fuŋne ine ŋic sasawa mutaniŋke-fârembiŋ. Erâ mitio fuŋne-ticne taniŋkewec wâc. Nâŋe iŋuc jaha dâŋticne dopeckenŋopenenŋ. Erâ dâŋ jâmbomac muenŋopenenŋ i manaekic.

### *Mumutara dâŋ*

<sup>13</sup> Dâŋ gâcne bocjaha fokac, erâ tinte â fedazi qâreŋkezo mi enarekac.

<sup>14</sup> No gorao biac fâzore mukopac. Fâ fisipe miczi nazaŋ gazaŋ ezeperec.

<sup>15</sup> Wama gorao fozejec. Âgo jaŋe manasu-gare-fâreŋgopienŋ. Go iŋuc jaha âgofâc-nâŋec šâŋe-jeŋic wosehuc manasu-jarezemec.

**Kâte Bible**  
**The Holy Bible in the Kâte language of Papua New Guinea**  
**Buk Baibel long tokples Kate long Niugini**

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

---

PDF generated using Haiola and XeLaTeX on 28 Dec 2024 from source files dated 31 Aug 2023

76869875-8293-5126-8b67-c576c145ac3c